



BOSNIA AND HERZEGOVINA

Ministry for Human Rights and Refugees

Broj:UP-I-05-07-7-18-2/19
Sarajevo, 23.04. 2019. godine

Na osnovu člana 61. stav (2) Zakona o upravi ("Službeni glasnik BiH" br. 32/02, 102/09 i 72/17), člana 14. stav (2) Zakona o slobodi pristupa informacijama u Bosni i Hercegovini ("Službeni glasnik BiH" br. 28/00, 45/06, 102/09, 62/11 i 100/13), rješavajući po zahtjevu za pristup informacijama Ervina Mušinovića, novinara portala Klix.ba, ministrica za ljudska prava i izbjeglice, donosi:

RJEŠENJE

1. Odobrava se pristup informacijama Ervinu Mušinoviću.
2. Informacija iz tačke 1. ovog rješenja dostavlja se podноситelju zahtjeva uz ovo rješenje.
3. Rješenje stupa na snagu danom donošenja.

Obrazloženje

Službenica za informiranje Ministarstva za ljudska prava i izbjeglice je zaprimila zahtjev za pristup informacijama od strane Generalnog sekretarijata Vijeća ministara Bosne i Hercegovine, a kojim je prosljeđen dopis Ervina Mušinovića, novinara unutrašnje politike na portalu Klix.ba, a koji pozivajući se na Zakon o slobodi pristupa informacijama u BiH traži da mu se dostave sljedeće informacije:

1. Koliko je novčanih stimulacija isplaćeno državnim službenicima zaposlenim u svim ministarstvima koja se nalaze u sastavu Vijeća ministara BiH i Generalnom sekretarijatu Vijeća ministara BiH u periodu od 1. januara 2018. godine do 12. aprila 2019. godine?
2. Po kojem tačno pravnom osnovu su isplaćene stimulacije?
3. Imena i prezimena državnih službenika koji su primali stimulaciju, pozicije na kojima se nalaze i tačne novčane iznose stimulacija koje su dobili od 1. januara 2018. do 12. aprila 2019. sa datumima kada su stimulacije, svaka pojedinačno, isplaćene (tabelarni prikaz).
4. Molim da mi se identični podaci (iz pitanja 1,2 i 3) dostave i za savjetnike ministara u periodu od 1. januara 2018. godine do 12. aprila 2019. godine.

Rad Ministarstva za ljudska prava i izbjeglice BiH je javan te Ministarstvo po zahtjevima za pristup informacijama s kojima raspolaže postupa u skladu sa Zakonu o slobodi pristupa informacijama u BiH i Vodiču za pristup informacijama u Ministarstvu. U tom smislu Ministarstvo svakoj fizičkoj i pravnoj osobi omogućava pristup informacijama koje su pod kontrolom Ministarstva. Postupajući po članu 14. st. (1) i (2) Zakona o slobodi pristupa informacijama u Bosni i Hercegovini utvrđeno je kako se može odobriti pristup traženim informacijama. Na osnovu gore navedenog odlučeno je kao u izreci rješenja.

Pouka o pravnom lijeku:

Protiv ovog rješenja može se izjaviti žalba Žalbenom vijeću pri Vijeću ministara BiH u roku od 15 dana od dana prijema rješenja.



MINISTRICA
Semih Borovac

DOSTAVLJENO:

- Ervin Mušinović, portal Klix.ba, Zmaja od Bosne 7, Sarajevo
- a/a.

PRILOG:

- Informacija, kao u tekstu



BOSNIA AND HERZEGOVINA

Ministry for Human Rights and Refugees

Broj:UP-I-05-07-7-18-3/19
Sarajevo, 23.04. 2019. godine

Ervin Mušinović,
portal **Klix.ba,**
Zmaja od Bosne 7,
71000 Sarajevo

PREDMET: Informacija, **dostavlja se,-**

Poštovani,

posreštvom Generalnog sekretarijata Vijeća ministara Bosne i Hercegovine, obratili ste se Ministarstvu za ljudska prava i izbjeglice zahtjevom za pristup informacijama, a u skladu sa Zakonom o slobodi pristupa informacijama u BiH.

U skladu sa Rješenjem kojim vam je odobren prístup traženim informacijama, u nastavku su odgovori na Vaša pitanja:

1. Koliko je novčanih stimulacija isplaćeno državnim službenicima zaposlenim u svim ministarstvima koja se nalaze u sastavu Vijeća ministara BiH i Generalnom sekretarijatu Vijeća ministara BiH u periodu od 1. januara 2018. godine do 12. aprila 2019. godine?

Isplaćene novčane stimulacije državnim službenicima u Ministarstvu za ljudska prava i izbjeglice Bosne i Hercegovine u periodu 1. januar 2018. godine do 12. aprila 2019. godine iznose ukupno 19.150,26 KM.

2. Po kojem tačno pravnom osnovu su isplaćene stimulacije?

Osnov za dodjelu stimulacije zaposlenim u Ministarstvu za ljudska prava i izbjeglice Bosne i Hercegovine je član 27. Zakona o platama i naknadama u institucijama Bosne i Hercegovine ("Službeni glasnik BiH" br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16 i 72/17), član 5. Odluke o okvirnim kriterijima za dodjelu novčane nagrade zaposlenim u institucijama Bosne i Hercegovine i Pravilnika o dodjeli novčane nagrade – stimulacije zaposlenim u Ministarstvu za ljudska prava i izbjeglice Bosne i Hercegovine broj: 01-02-2-3385-1/18 od 27. 12. 2018. godine koji je donijet na osnovu prethodnog Zakona i Odluke.

3. Imena i prezimena državnih službenika koji su primali stimulaciju, pozicije na kojima se nalaze i tačne novčane iznose stimulacija koje su dobili od 1. januara 2018. do 12. aprila 2019. sa datumima kada su stimulacije, svakako pojedinačno, isplaćene (molim za tabelarni prikaz).

Tabele su u prilogu ovog akta.

4. Molim da mi se identični podaci (iz pitanja 1,2 i 3) dostave i za savjetnike ministara u periodu od 1. januara 2018. godine do 12. aprila 2019. godine.

Isplaćene novčane stimulacije savjetnicima ministrice za ljudska prava i izbjeglice Bosne i Hercegovine u periodu od 1. januara 2018. do 12. aprila 2019. godine iznose ukupno 6.164,90 KM.

Osnov za dodjelu je isti kao u drugom pitanju, a tražene tabele su u prilogu ovog akta.

S poštovanjem,



DOSTAVLJENO:

- Ervin Mušinović, portal Klix.ba, Zmaja od Bosne 7, Sarajevo
- a/a.

PRILOZI:

- Tabela 1: Pregled isplaćenih stimulacija period januar - decembar 2018. - državni službenici
- Tabela 2: Pregled isplaćenih stimulacija period januar - 12. april 2019. - državni službenici
- Tabela 3: Pregled isplaćenih stimulacija period januar - decembar 2018. godine – savjetnici
- Tabela 4: Pregled isplaćenih stimulacija period januar - 12. april 2019. godine - savjetnici